

ILLE VOS DOCEBIT OMNIA,

S I V E

DE S. SPIRITUS

A D V E N T U

O R A T I O



Habita in Sacello Pontificio

AD SANCTISSIMUM DOMINUM NOSTRUM

CLEMENTEM XI.

PONTIFICEM MAXIMUM.

A Fr. IGNATIO RIARIO

Equite Hierosolymitano

*Seminarii Romani Convictore.*



ROMÆ, MDCCII. Novis Typis, & Fusoria Cajetani Zenobii  
ad Magnam CURIAM INNOCENTIANAM.

*SUPERIORUM FACULTATE.*





CLEMENTI XI.  
PONT. MAX.  
FELICITATEM.



*UI de Spiritu Sancto fit ser-  
mo BEATISSIME  
PATER non ultrò , sed blanda quadam  
necessitate tuos ad Pedes venerabundus de-  
volvor , per quem enim omnia nos edoctu-  
rus est Spiritus , nisi per Te , ò Grande ejus-  
dem*

*dem in Terris Opus , & Maxime Interpres !  
 Quod itaque nos hodie in admirationem inducit , illud est : modò amabiliter sub Columbæ ,  
 terribiliter modò sub ignis imagine , Spiritum  
 veritatis descendere . Suspeximus olim ad  
 Jordanem supra Domini caput , suspeximus  
 in hac eâdem aulâ ad aurem Magni Gregorii  
 sub candidæ volucris persona delapsus : cur  
 ergo alas nunc acuit in Linguas , nives accen-  
 dit in Ignem , & pro gemitu tonitru dedit ?  
 Aliud in causa fuisse non judicaverim ( si quid  
 etiam mihi liceat de Spiritu interpretari ) præ-  
 terquamquod , ubi erudienda est multitudo di-  
 scipulorum , ignis efficaciam , & humanas mo-  
 tura mentes tonitrua Cælestis Hic Magister  
 assumit ; Sic olim igneo de rubo tanquam ex  
 Catbedra Judaicæ turbæ documenta dictabat ;  
 at cum futurorum bonorum Pontifici Cbristo ,  
 & Successoribus privatim adesse , eosque Cæ-  
 lesti imbuere est opus doctrina , tunc innocuæ  
 candorem induit columbæ ; maxime quippè  
 convenit banc inter , & Cbristum , ejusque in  
 Terris Vicarios . Et ne abs Te B.P. , nec ab iis ,  
 quæ nostris sunt oculis subjecta , similitudo pe-  
 regrinetur , quàm bene eximias animi Tui do-  
 tes Hæc exhibet ? Morum scilicet Innocen-  
 tiam*

tiam, candorem, ac suavitatem, quæ jamdiu  
Orbem Universum spectatorem habent, &  
laudatorem, quid vividius repræsentet, quam  
simplicitas, candor, & mansuetudo Colum-  
bæ? Pacis amantem, ac nunciam quis hanc  
ignoret? Agitatam olim à fluctibus arcam in  
Armeniae montem, velut in portum traduxit:  
Quot, & quanta Tu meditaris, ac moves, ut  
Ecclesiæ tuæ Arca tot bellorum diverberata  
procellis in tranquillo tandem confidat! Et  
(nisi spes nostræ fraudentur) optatam Tibi  
debeat aliquando Pacem Europa. Si itaque  
tàm vividè Te totum refert columba, quàm  
libentè ejusdem speciem assumpserit, & re-  
quieverit super Te Spiritus Domini, ut Te  
omnia doceret? Id ex muneribus, quæ tuum  
tam largè profudit in sinum facili datur con-  
jectura deprebendere, nam ubi aliis talium  
facta est dispensatio donorum, omnia in Te  
uno munerum ille Dator mira liberalitate con-  
gessit, inter quæ quis satis miretur, & efferat  
illam propè divinam indolis tuæ suavitatem,  
ac facilitatem, quâ nullum respuis, omnes  
amplecteris, quâ Romam tuam agnoscis ut an-  
tè, eosdem nos credis, eundem Te præbes, qui  
priùs. Hæc mihi reverentè meticuloso ani-

mos addidit, ut obsequia mea tanquam ad  
 compendium contracta, in brevi hac quali-  
 cumque oratione Tibi exhibere non pertime-  
 scerem. Non à quo, sed undè illa offerantur  
 adverte, ex ea videlicet Domo discessere, quam  
 Tu Magnis imple's Hospitibus, totidemque Tui  
 Imaginibus præteritæ, ac venturæ suspicien-  
 dam facis ætati. Vive igitur, & servet Tibi  
 Spiritus munera quæ contulit, quæ nos expe-  
 rimur, quod si quid ultra nobismetipsis ab il-  
 lo liceat auspicari Urbis, Italiæ, totius deni-  
 que Europæ Pacem, ac felicitatem oramus,  
 At jam exoravimus, si, quæ simplex omnium  
 est votum, Tui Diurnitatem concedat.



# ORATIO.



**Q**UID esse dixerim BEATISSIME PATER, quod Divinus hodie in Magistrum promittitur Spiritus, qui nos omnia docebit? Cathedram quam habebat in Cœlo, an non in Terras transfulerat Deus, ut ad hanc rerum caliginem damnatos erudiret, unoque omnia diceret in Verbo Homine? Si ergo Filius jam nota fecit nobis quæcumque audivit à Patre, cur ut omnia doceamur, alium ad Doctorem transmittimur tanquam aliquid de Magisterio defuerit Filio, vel minùs aliquid Filius, quàm Spiritus Sanctus à Patre didicerit? Facile est suo de cortice nucleum veritatis educere. Alia quippe insinuanda non erat veritas, nec alia prædicanda doctrina, sed eadem Verbi doctrina implenda erat

erat per Spiritum , quod quàm feliciter even-  
rit , nostræ contemplationis esto materies .

Prosecuti nùper Christum ascendentem  
in Cœlum , descendentem hōdie de Cœlo  
Christi Spiritum excipimus : Bonus uterque  
Magister , alter omnia docuerat , sed quæ por-  
tare adhūc non dabatur , dedit alter ut omnia  
portaremus , quæ jam eramus edocti . At quam  
dispari viâ demissus , ut nos uterque erudiret !  
Unigenitum , qui est in sinu Patris quot sæculo-  
rum vota desiderarunt , ut antelucani instar  
roris placidissimè flueret ? Rorate Cœli desu-  
per ( una omnium vox erat ) & nubes pluant  
Justum ; ac tandem è regalibus Cœli sedibus ,  
non secūs atque in vellus pluvia , descendit , ut  
suavi quadam irrigatione homines imbueret ,  
inque animorum penetralia tacito permearet  
illapsu . Qui verò de corde Patris , & Filii pro-  
greditur Amor in Spiritu hodie vehementi , in  
fragore , tonitru , & igne totum concutit , ac-  
cendit , ac replet Orbem terrarum , & quis se  
abscondat à calore ejus ? Sed cur tam diversa  
eidem doctrinæ tyrocinia præcedunt , tam ab-  
simili eadem veritas porrigitur magisterio ? Se-  
mina scilicèt veritatis posteaquam Discipulis  
suis Verbum commiserat , intonuit de Cœlo .

Do-



Dominus , & Altissimus dedit vocem suam , ut eos excitaret, erigeretque ad fructum dandum in tempore jam suo , neve semen tanquam super petram delapsum sterilefceret , lapideum Spiritu vehementi radicitus abstulit cor , eosque ad bonam frugem omni fecundarum flammarum imbre pręparavit . Sic quos Verbum per dolores , ac gemitus sanguineo Crucis in thalamo parturierat , sed nondum benę formaverat , iterum parturit hodie , & adhuc informes igneis linguis allambens perficit Spiritus . Et mirum sanę quantum profecerint novis imbuti documentis, quibus ineffabiliter ignearum linguarum coruscat authoritas . Vidimus nūper quam trepidę , quam attonitę mentes , & licet Verbi adjuvarentur aspectibus , pręsentibus confirmarentur operibus, signis ac virtutibus pascerentur , in terrena tamen semper incurvę : Vidimus quam angusta pectora , & incapacia divinorum sensuum portare magnitudinem , ut intelligerent quomodd erat Verbum Deus apud Deum ? Quotię vel pręsentia explanavit , vel futura Magister annuntiavit; ipsi verd nihil horum intellexerunt ? Cum supra tumidum maris dorsum substratis fluctibus ambularet , liquidumque iter aquarum divinis

vinis sub vestigiis obsequiosè concreverat, Phantasma est, turbati inclamarunt: qui paulò antè audactè eloquens animosa in verba proruperat, quàm subitò evasit in causa Præceptoris elinguis, & caligantibus præ metu oculis juravit non nosse hominem, quem in oculis habuerat tamdiù! Per carnis vulnera Deum in corpore jam Cœlesti nonnè mox explorabat Thomas, & ad credendam incorruptibilem Divinitatem fixuras clavorum, & cicatricum testimonia quærebat? Videte hodie quàm sibi sint iidem dissimiles! Audite quanta tonet, & quam generosa in omnium ore eloquentia! Quibus olim phantasma fuit Verbum, illi, In principio erat Verbum, & Verbum erat apud Deum, & Deus erat Verbum, divina propemodum descriptione omnium mentibus contemplandum proponunt. Qui non noverat hominem, ut notum omnibus facit? Quod audivimus, quod vidimus, quod manus nostræ palparunt de Verbo Dei annunciamus vobis. Qui denique sub ipsum Crucis Dominicæ tempus metu corda trépida penetrante penè omnes auferant, latitabantque exinde muti in Cœnaculo tanquam in tumulto, impleti modò ea charitate, quæ foràs mittit timorem, & ra-

biem

biem persequentium infringit, proficiunt à præceptorum scientiâ ad tollerantiam passionum, & sub nullâ tempestate trepidantes fluctus Sæculi, Mundique elationes fide supergrediente conculcant, & morte contemptâ omnibus gentibus Euangelium veritatis annunciant. Aurum, cùm è Terræ visceribus ad humanæ libidinis alimentum, Naturâ vel renuente, eruitur, si spectes, flavam quidem, sed rudem, ac terream massam spectabis; fac ignis examen accedat, nomen Terræ in igne relinquit, deque flamma suscipit vim coloris, ut credas indè nasci cujus similitudine videtur ornari: haud aliter posteaquam è tenebris inscitæ ad Veritatis lucem eruti fuerant à Christo Discipuli, quàm rudes adhuc, quàm lutei! At hodierno igne probati nomen Terræ in igne relinquunt, eosque non homines credas, sed Deos, & filios Excelsi omnes; Deus quippe Ignis consumens ministros suos fecit flammam ignis, qui latè pervagatus beatissimis omnia flammis incendit, ac succrescentem sylvam iniquitatis divina afflante aura depascit. Aspice terrarum tractus immensos divino hoc incendio occupatos non ut abeant in cineres, sed ut renovetur facies terræ, & glacie super-

perstitutionis dissoluta ardore charitatis ignescant . Nec ultimum fanè tot flammis alimentum præbes , ò Roma : Apostolorum etenim Principes sacras tibi faces supponentes compendium fecerunt incendii , haud ignari fore , ut per singula membra facilè diffunderetur divinus hic calor , si Mundi Caput , ac Regia Spiritus arderes . Sic est B. P. quos paulò antè rudes è piscatoria cimba navicularios , audivimus disputantes de ventis , ac rētibz , sermonum indoctos , & imperitos , illi Rethores vicerunt , obturaverunt ora Philosophorum , Sæculi sapientiam non alitèr quam aracnearum telam dissolverunt , & sagenà missâ in Mare piscati sunt Orbem . Grandia hæc moliti post operatoriam Spiritus infusionem , tale nihil cum eadem haurirent à Christo doctrinam . Quàm tardè addiscebant , quod docebatur ubi Verbum Magister erat , ubi Spiritus magister est , quam citò discitur quod docetur ! Benè itaque dicuntur omnia à Spiritu edocendi , quia & ardentius velle , & efficacius posse , & faciliùs exequi acceperunt à Spiritu : Veræ quippè mensura scientiæ est Operatio .



F I N I S .